


En il curtin da las ulivas

Jesus sua sang

Suenter la Sontga Tschaina va Jesus cun ils apostels en il curtin da las ulivas. El è fitg trist ed ha tema, pertge ch'el sa tge ch'i vegn a succeder.

El di als apostels: "Vegliai ed urai cun mai!" Ma ils apostels sa durmentan, entant che Jesus ura e supplitgescha il Bab en tschiel d'al gidar en questa greva ura.

Durant che Jesus sua sang da la tema ura el: Bab, betg mia, mabain tia veglia daventia.



Jesus vegn encurunaus cun spinas

Jesus vegn manà avant Pilatus. Lez al vuless laschar liber, perquai ch'el vesa che Jesus n'ha nagina culpa. Ma la glieud sbragia: "Vi da la crusch cun el!"

Pilatus survegn tema e surdat Jesus a la schuldada per al laschar giaschlar. Alura vestgeschan els Jesus cun in mantè cotschen, al dattan in bastun en maun, fan ina curuna da spinas e la mettan ad el sin il chau. Uschia fan els beffas cun Jesus, al spidan en fatscha, stattan avant el en schanuglias e din: "Salid a tai, retg dals Gidieus!"




Jesus va la via da la crusch

Jesus sto purtar la greva crusch fin sin il culm Golgota. Trais giadas croda el ensemens sut il pais da la crusch.


El scuntra sin la via da la crusch Maria, sia mamma ch'è fitg trista ed er Veronica che al porscha in sudari per far giu il suaditsch ed il sang.

Cur che Jesus na po strusch pli, vegn Simon da Cirene sfurzà da al gidar a purtar la crusch.



Jesus mora vi da la crusch

Sin il culm Golgota engutta la schuldada Jesus vi da la crusch. El penda tranter dus malfatschents ch'en eran vegnids crucifitgads. El endira zunt fitg. Anc giu da la crusch di Jesus: "Bab, perduna, pertge ch'els na san betg che ch'els fan." Sut la cursch stattan Maria, sia mamma e Johannes l'apostel ch'el aveva fitg gugent. Cun in sbratg mora Jesus per nus.



Jesus vegn prendì giu da la crusch

La saira dumonda Josef d'Aritmatea d'astgar prender il corp da Jesus giu da la crusch. Avant fora in schuldà cun ina lantscha en il cor da Jesus ed i vegn ora sang ed aua. Alura vegn il corp da Jesus mess en bratscha a sia mamma Maria.

